

天下郡國利病書

三九

天下野史叢書

泉州衛屯田

國朝洪武初命諸將分軍於龍江等處屯種自是立法漸密遍于天下大率衛所軍士以三分守城七分屯種又有二八三七四六中半等例泉州屯種軍士大約以四六為率在洪武間者為舊屯在永樂間者為新屯每軍給田二十四畝或二十六畝隨田遠近肥瘠以為等差歲徵糧二十四石內正糧一十二石納于屯倉按月給與屯種軍士餘糧一十二石運赴城倉給守城者此寓兵於農之意亦良法也但田在叢山之中者五分之四時軍士皆非土著水土異宜病死逃亡者過半田多荒蕪正統三年每軍止徵餘糧六石免徵正糧一十二石聽其自給而屯倉廢然是時屯種皆正軍也至正統末沙九寇發暫取屯軍回伍以備戰守兵亂日久田之荒蕪愈多於是始撥餘

丁補種故軍田土每軍各頂三名然水崩沙壓豪家侵易所存田畝
僅足一名之數其餘皆虛填也弘治末年倪給事中清查屯田不知
田畝存沒之故於每軍三戶內抽出一戶半別作新增兩徵監司縣
是督輸軍士不堪至饒御史始令停徵後屠御史奏請開豁計今屯
種軍士田畝所入有賠輸者有僅輸者求其如國初得正糧以自
贍者十無一二矣

鹽有煎法有曬法宋元以前二法兼用今則祇用曬法其煎法月以
二信候潮鹵潮退鹵沁土中遇烈日結生白花聚之以實於鹵坵復
取鹹水淋之鹵坵者穴土為窟其下為溜池有竅以相通用蘆管引
之水漬鹵坵循管注池中投雞子挑仁以浮為節則鹵可用迺瀉鹵
於竈旁之土斛以管引注盤上煎之盤編竹如盤狀用螻灰塗焉大

盤日夜煎二百斤小盤半之其曬法亦聚鹵地之尤鹹者曬曝令極乾實於漏坵滲入溜池復取池中水澆之如是者再則鹵可用矣曬鹵之盤石砌極堅密為風約水故廣狹無過數尺一夫之力一日亦可得二百斤宋時鹽價斤為錢十貴倍之今日價極高不過錢二文以曬法無柴薪費故也

農桑絹課 我朝度曠地之在官者予民種桑畝四十株科絲五錢每絲一斤四兩成絹一疋長三丈其餘兩為寸尺之差諸縣歲科絹一十疋一丈六寸八分異時農桑具文無實數每疋始徵銀一兩六錢三分有奇均里甲丁糧科之非舊制矣

國朝役民之制一里十甲更番應者謂之正役其餘俱謂之泛役泛役有三以隸兵門斗凡在官諸色人役給使令以驛傳三等馬首人夫

等專接遞以撥兵弓兵防盜賊各以丁糧審差則例各見于後里甲
凡家十為甲別推一產力多者為之長甲十為里、有百家并十長
一百一十家循環役之、每歲里長以其甲之十家出辦上供物料及
支應官府一歲經常泛雜之費至第十甲編造黃冊則有書手一人
貼書二人其在城郭為坊長每里又有總甲一人掌覺察地方非常
之事老人一人主風俗詞訟凡總甲老人執役不限年

徭役凡徭役以次差甲之應役者米一石准夫一丁當役之年辦其
老弱不任役與有職事及鹽戶免役者各以應役丁米填各衙門差
使應出力者大約不逾二十日應出銀者大約不逾八錢若一歲丁
米能盈縮於當役之數者亦微增損以均云

泉州潮汐總叙

泉州大海浸于東南百川悉自西北歸焉惟德化

水隔陽壠返歸永福安溪永春地高潮不能達其流至南安雙溪始

與潮接納潮者惟晉江南安同安惠安四縣三而南安之溪則接晉江之潮者也爾晉江之潮北入洛陽江

西入浯江二江無限界只上下東南入安海港南安僅抵雙溪

口同安僅抵縣前東西二溪惠安則溪不入潮其所入之處則添崎

峰崎二港輞川儀場大岞獺窟四澳然南安自雙溪下接金溪黃龍

溪晉江則筍江下接浯江兩涯小港潮皆可通與同安東西溪之潮

去海道遠水淡可耕若洛陽江安海港及惠安諸港澳近海則水鹹

矣其潮候則溪江港澳及海亦差有先後云注九十一

海潮候注九十二

初一十六辰戌中
初二十七己亥初
初三十八己亥中

初四十九己亥末
初五二十子午初
初六二十一子午末

初七二十二丑未初 初八二十三丑未中 初九二十四丑未末
初二十五寅申初 十一二十六寅申中 十二二十七卯酉初
十三二十八卯酉中 十四二十九卯酉末 十五三十日辰戌初
此以潮平時為候洛陽江安海諸港澳緩海潮三刻浯江筍江東西
溪又緩三刻金溪又緩一刻雙溪又緩一刻此諸潮先後大畧也近
潮居民以指掌布十二時復以長半滿汐半竭六字順推亦準但潮
有小大候因之而有遲速尚當按刻為正

泉州府新志

田土

國朝凡天下田地山林海塘海蕩等悉書其名數于籍

其田之等有二曰官曰民若職田若學田若廢寺若沒官若官租皆係之官職田者唐制職官所分之田也學田者府縣以贍學校之田也廢寺田者寺額廢而入官者也沒官田者籍沒之家入官者也又有原沒今沒之別官租田者籍沒之田而募人耕種者也民田苦繇役重累官田有折解而無繇役故豪家操鬻田者之急或強冒官產或減畝合券過鬻田者亦久操之懸產不推迄于死徙其子孫穉弱淪亡竟無從究詰間或有水漂沙壓田去產存饕餮無資而追呼日逼凡此二者不得不號籲于官司憐之浮糧之名所由起矣顧又有宿奸巨蠹入錢里胥飛詭旁射以濱溪濱海崩陷為詞名曰浮糧而皆實產也其巧詐不可勝窮邇歲田價騰踊人爭尋丈尺寸之利近田間去歲有墾闢擷削山麓填夷溝岸而界至相隣彼此互爭舊日水漂沙壓之地有田主未能墾復而他人乘間營之者有田主墾復如舊而未及受產為他人首告者訟端繁矣

萬曆十年，朝廷下方田之令，泉惠安溪二邑官民皆難與處。始茅均攤浮糧於業戶而已。晉江令彭國光勵精集事，履畝定則，分上中下派產業戶隨坵段各授一紙，彙登簿籍。每畝派官米若干，民米若干，鈔米若干，寺田之已經代買及見在寺者，一槩丈量，灑派計溢額一千四百八十頃八十九畝有奇，而產米亦增五分之二，即灑浮糧而均攤之，不至是也。人始謂惠安、安溪之士民有遠慮，先見焉。他縣行之，亦或有遺議。德化志具言之矣。然自是浮糧除免，疆理不淆，爭訟為之稍息，而獨寺僧之與民間相告言也，則積歲不休云。先是嘉靖中有大工之役，費無所出，令民間代買寺田，逮季年閩中倭兵餉匱乏，撫按復議寺在僧存者，內將四分給僧焚修，六分抽餉行之已久。萬曆十九年，倭警復聞，先後巡撫復相繼清查助餉，乃有司奉行太過，而奸僧尋端起釁告訐紛紛，既准行查報，府中申詳請將庫收官帖盡行提查，無庫收者徵銀若干，無官帖者徵銀若干，捕繫置對，蔓引株連，民甚病之。尚寶卿永春人李開藻貽書方

伯范公涑其書縷千餘言大畧謂寺田奉旨變賣業在嘉靖中年代買後既經大量已攤入黃冊歲辦糧差與民業無異七八十年間時事遷改其子孫不能守鬻之他人庫收官帖安得一、分折歷年既久安能一、存留而有司毛舉數畧展轉追求至比於民間貼契之說猥鄙特甚且令胥役居為奇貨黔黎日困陷窳非仁人所忍聞也李尚寶素健戶不與外事亦無寺業其書侃直諄切范方伯以白撫院事遂寢

賦役 我朝賦役遠監宋代曰官米民米即公田民田之賦也曰秋糧米夏稅鈔秋租鈔即兩稅之賦也曰魚課鹽課鐵課酒稅商稅即雜變之賦也役法有力差有銀差如上下衙門庫子主官物似宋之衙前而流弊亦似之坊里長即宋之督賦稅者也機兵弓兵民壯即宋之逐捕盜賊者也書手隸兵祗候門子斗級獄卒鋪司兵齎夫膳夫馬夫之類即宋之給使令者也創造之初法制未備永平之後蠹弊漸滋洪武初年官米輕重不同重者至一石輕者亦至一

斗宣德五年乃下減分之令凡官米徵一斗至四斗者減十分之二四斗一升至一石以上者減十分之三遂為定則官米舊時本折中米折色米徵銀解京本色米存留各倉民米舊以十分為率七分徵本色派倉三分徵折色解京正德十四年御史沈灼奏官米俱折色解京民米俱存留各倉官米分四等徵納三斗以下每石折銀三錢六分三斗以上每石折銀三錢三分五斗則米每石折銀三錢七分則米每石折銀二錢五分如晉江同安米多於解京原額則以解剝官折撥倉與民米兼充軍糧如南安惠安溪永春德化官米不足解京原額則取民米之折價者以足解京之數其民米并秋租鈔米半納本色半納折價每石折銀五錢新增起科米并浮糧米俱全徵折價每石二錢五分相兼分撥各倉凡官民米皆有加耗每官米一斗加耗三合五勺民米一斗加耗七合其耗米准備倉廩虧損已復紐入正額支銷其後坐派各倉民米每正耗米一石又增耗米五升亦作正額支銷如例此法行民稱便至今而獨里甲之後

有甚為民苦者始坊里長在官專掌催錢糧勾攝公事而已其後乃以支應官府諸費若祭祀鄉飲迎春等事皆責措辦浸淫至於雜供私饋無名百出一紙下徵刻不容緩加以吏皂抑索其間里甲動至破產此其弊與宋時等矣正德十五年御史沈灼議將通縣費用分正雜二綱以丁四糧六法科派正綱費用可得稽按雜則私而難核其供饋繁靡如故也嘉靖十六年御史李元陽憫閭閻受弊再議徵銀儲庫用度各有定則但額外費繁支應不給仍令里長貼辦稱為班次又雜泛名色猥瑣甚或借辦鋪戶全不償價或半給者有之較其一年供億倍於二綱之數而里甲困憊不減前時徭役最重者莫如庫子夫廩保庫子主策應心紅紙劄酒席下程之費而官司之昏瞋者媚奉過賓泥沙錢穀私衙傳索亦復不貲嘉靖之季年郵券濫冒往來如織至者皆多擁賓從行李輜重過當夫廩保之供給殆不堪命於是撫按兩院始令各縣除正雜之名止稱綱銀以丁四糧六審定規則又謂十甲輪差遇有本甲丁米少者則銀少而

差輕或本甲丁米多者則銀多而差重未免有不均之嘆乃又令各縣將實差丁米分為十段派編其法頗稱詳明然民困猶未甚甦息既而都御史汪道昆以總兵戚繼光蕩滅倭寇實藉金華兵之力遂調金華兵戍守議加派軍餉丁四糧八奉 旨定賦而民又增一役矣至萬曆初年都御史龐尚鵬始議一條鞭之法通府州縣十歲中夏稅秋糧存留起運額若干綱徭兵站加銀額若干通為一條其曰綱銀則院司郡邑之供應祭祀之費用生員之試賞舉貢進士之盤纏牌坊皆統焉其曰均徭銀則諸司之祇候隸兵庫子門子倉庫夫壇夫齋夫膳夫陂夫館夫獄卒斗級弓兵鋪司兵巡攔之役皆統焉即庫子驛站之徭差舊時最為民所苦者一槩通融均派供其入者民司其出者官而奸徒之抑勒需索無所藉手著為令甲民甚以為便蓋賦役之法始也煩繼也簡始則賦役分為二今則合而為一矣

上供三辦 唐初土貢甚少有蕉布生苧布各一十疋綿絲蠟燭末年方鎮擅

命託進奉之名以贍私橐於是有聖節大禮供軍等名宋興雖裁損其數而名尚未盡革也治平間曾貢山薑花橄欖子荔枝後皆罷之元豐中貢綿一百兩蕉葛五十疋上供銀舊額二萬四千兩其歲辦則大禮銀二千兩三年一貢聖節銀一千兩天基聖節銀二百兩又有在京吏祿錢在京官員役錢僧道免丁錢紹興中令州買木綿布五千疋為奉使賜予及使者私覲之用遂為例又有統制官供給錢經總制無額等錢名色繁多皆官司隨宜措辦國朝洪武間有雜色皮翎毛角弓弦箭之貢永樂間有白糖霜糖沙哩別之貢後以經費所需始派各色物料額辦藥材牲口曆日紙張段疋弓弦箭軍器雜皮翎毛等物歲辦蠟茶水牛皮石大青黑鉛銀硃銅鐵金箔牛勛綿羊皮楠木柁木杉木等物雜辦生漆棕毛雜皮黃蠟水膠白麻布疋紙張紵絲線羅荒綠鐵線木炭等物弘正間遞增之皆倚辦於該年里甲而名數煩碎或增或減或徵或否自有司莫能詳其來歷吏胥因之為奸虐派侵剋歲益滋甚至徵解之時

主吏勒索無厭往：耗折逋欠正德十五年沈御史行八分法通融各縣應辦物料就於八分銀兩支解本府僉長解買辦本色解部交納嘉靖二十六年議附由帖徵銀解布政司支應

雜課 農桑絹宋時令長吏勸民廣植農桑有伐以為薪者罪之而調其絹紬絲綿以供軍南渡後軍儲不足絲絹並半折錢足二千我朝洪武初令民有不種桑麻木綿者罰之布帛後又令民於在官曠地種桑每畝四十株科絲五錢每絲一勛四兩成絹一疋長三大餘迺有司苟且具文奉行不虔遂變而徵銀每疋一兩六錢水脚二錢八分俱於通縣丁糧辦納非舊制也 魚課五代閩時凡江湖陂塘皆收其課宋至道間除之然州縣尚有採捕舟船之稅我朝始立河泊所以權沿海漁利定納課米其後漁戶逃絕者多額課辦納不敷迺有折徵之令每米一石半納本色五斗折色五斗為銀二錢五分人尚以為病弘治七年巡按御史吳一貫奏准不分折色通徵銀三錢五分漁民迺得蘇

息蔡文莊公為作吳御史利民一事記

鐵課宋開寶中設諸州坑冶場務二

百有一泉州產鐵之場在永春曰倚洋安溪曰青陽德化曰赤水而晉江之石
菌盧灣牛頭嶼長箕頭惠安之卜坑黃崎礁頭許埭港尾沙溜盧頭峰前牛埭
皆有鐵砂慶曆三年立法禁興販入海後有詔許於兩浙貨賣未幾罷至淳祐
中永春東洋肥湖德化信洋上田立埕鐵砂尚有業作者通判掌之諸縣歲有
爐稅錢解送建寧府坑冶我朝悉罷官坑冶鐵課均敷丁田出辦商稅課
宋諸縣各有稅務其在城者曰都稅務在外者外稅務政和紹定間盈縮不常
於是有侵追賠之弊至濮守斗南廼取前十年月課逐月定額稅錢十分為
率以其一納總制庫其一納財計司餘八分從州納諸縣稅務初建後皆罷廢
丞簿兼掌之其稅目有遺利錢賠綱錢糜費頭錢等名國朝洪武初府置稅
課司縣置稅課局令商稅三十稅一巡欄者收所稅以季終交於局官而民間
田土交易官給工本墨令自填寫為之印識以照之亦收其稅永樂七年遣官